

allen v̄zagt nie ir gemvte.
 noch ward nie ablezig an in
 brvntikait lvd̄ in allen den
 worten vñ in dem hazze den
 si vō in laide. satzt si irn sin
 an starke hoffenvnge als lange
 biz das ir frevnt wurdē gestillet.
 vñ avch gegen ir abhezzen
 an d̄ ~~herthait~~ h̄tikait irs
 gemvtes **M**ar nach to lvtzel
 tag waren vergangē. da kam
 si zu d̄ kirchen des heiligen
 engels. an d̄ stat moht ir h̄ze
 volle rve niht gehaben. also
 kam si ze vngstē vō **D**and
Francoisen rat zu **D**and
Damians kirchē. da selbēst

In
 der
 h̄n
 d̄
 kirchē
 des
 heiligen
 engels